

重修永城縣志序

昔朱子守南康下車先求志乘論者謂得爲治要領誠以志也者所以徵文獻垂法戒上稽往古而下示來茲者也慶自庚寅歲來守是邦值

咸同兵燹之後郡邑各志多被燬聞有存者亦皆百餘年前舊本志之待修固汲汲乎不可緩矣永城爲郡之屬邑志書散佚歷有年所一揆章岳君量移來莅慨然有興廢舉墜之志開


周採訪重加修訂六越月歲厥事舉二百餘年
之廢墜一旦哀然成集蔚爲鉅觀甚盛舉也雖
然何其速歟蓋實恃有鄉大夫屏青呂君者預
爲采輯藏有底稿又得司訓寅谷胡君爲之秉
筆或草創或潤色相助爲理以贊成岳君興廢
舉墜之志而岳君獨能於期會簿書之外留心
掌故從事斯文其所爲尤足多者六豈尋常俗
吏之可及哉自茲以往官斯土者得以犁然於

典章之沿革民生之利病因勢利導而有所折衷邑人士亦可緬厥前修借以爲鑒知吏治民風將必有蒸蒸日上者而慶亦竊幸得覩久安之效焉故樂爲之序遂以此弁諸首

賜進士出身

誥授通奉大夫知河南歸德府事葉赫餘慶珊
汀甫序

光緒二十九年癸卯春三月吉日



重修志序

從來事之可信可徵者必有資於文獻家乘
考猶追源探本借助他山况關一縣之人情風
土尤屬鉅典煌煌乎永志自康熙辛未迄今缺
久未補加以咸同烽火頻驚版籍化爲烏有即
大家仕族間有殘編斷簡亦不無魯魚亥豕之
訛撫墜緒兮茫茫曷勝一髮千鈞之感幸鄉大
夫呂屏青以京卿告養賦歸志切闡幽發潛極

生平之見見聞閭閻邑之形形色色博訪廣採

累牘連篇如是者有年庚子春


楷

自延津季牧

斯土詢知補闕拾遺屢經歲月理宜急付棗梨
徒存纂修之志實乏經緯之才京卿亦主講明
道書院不暇彙輯而以許燕之手筆紹班馬之
心香爲之分門別類朗若列眉董司其成者端
推廣文胡公寅谷一時相助爲理兼有山長朱
公啟運司鐸孔公升甫舉二百餘年之湮沒弗

彰者昭茲來許庶燦然復明揭日月而長新尤
賴邑之搢紳舉生班精爲考校工於繪繕互贊
翊於其間此亦諸君子承先待後之深心所不
留餘力者也楷自慚譎陋珠雖未嘗探驪名竊
願爲附驥謹序

光緒二十七年辛丑秋九月知永城縣事岳廷
楷謹識



光緒重修志序

邑志自康熙三十六年續修後迄今二百三年人物典故
概付缺如又經咸同兵燹舊志板片無存鄉大夫呂屏青
京卿中年以養親歸里卽有意於斯徧訪同人有聞卽書
如左思之賦三都隨處皆置筆札積十餘年稿片如蝟毛
本年夏初邑侯岳公亦慨然欲以成之憇恩京卿京卿適
主明道書院之講席未暇兼顧也遂舉十餘年之積稿以
受贊采俾爲編次之贊采備員司訓於此土也已六年矣

毫無益於同學觀摩之數今徵文考獻司訓者之責也何
敢辭爰立凡例分類編輯有案可稽者又廣爲搜羅之續

訪來報者又核而纂入之燈光日影不聞曉宵六閱月而
藏事凡有所疑舉賴太康朱啟運先生反復參詳而後定
又苦無書人尤賴朱先生督飭諸門人之分繕也書較原
志分門益多而不免瑣碎原文不無刪減而深知僭妄後
之修此志者其大加筆削斟酌盡善第以斯爲前此之藁
本焉可爾

光緒二十七年歲次辛丑秋九月永城縣訓導光州胡贊
采謹識

光緒重修志序

史者所以徵文考獻也古者一國有一國之史一郡有一郡之史一邑有一邑之史士大夫欲識山川道里風俗人物攷興革數典章舍是蔑由矣吾邑虞夏故爲豫州地殷肇跡於商周附封於宋春秋曰犬邱戰國爲宋棘亭秦屬碭郡漢改沛郡南之鄧縣北之芒縣皆隸焉後漢改曰臨睢曰太邱曰龍亢隋始併諸縣置永城治在睢徐之間金元時疊僱兵燹文獻無徵明隆慶秦君時雍始創爲志國初聘賈君開宗重修加詳嗣周侯正紀續修之耿侯晉光再修之湖康熙三十五年逮今二百餘禩闕修其間疊

遺學逆曉匪之亂舊家逃亡人民離散版章典籍蕩然無
存良可慨也不佞告養歸里矍然滋懼爰於事親之暇延
訪耆舊有聞則識之有見則書之幾三十年積成稿本藏
之篋衍以待賢大夫采風之錄庚子春利津

岳侯蒞止首以志乘爲汲汲愚不揣蕪陋急呈商榷侯乃
敦聘 學博光州胡君纂定之學博復加采訪悉心參考
誤者正之譚者易之遺者補之蕪者刪之不數月用告厥
成復以校讐之役見貽愚反覆詳攷不禁嘆曰邑志失修
久矣文獻之興衰官師之教養田賦之增減差徭之煩重
風俗之美惡民生之利病昔之廢於百年者今皆撮其要

而備載况學博精於考訂無微不信無微不顯可以識友
可以識小美刺昭然洵一邑之信史也亟謀付梓垂之永
久庶幾上足以備輶軒之采擇下足以資士民之觀感云
光緒歲次癸卯三月邑人呂永輝謹識

[illegible]

重修永城縣志

順治年修志原序

知縣程孔思

予任蕭齋叨陞永邑丞之胥吏至者首訊以邑志對以烏有爲之惆悵者久之及驅車蒞止俯仰形勝不覺一往情深時奉憲文慮中原文獻凋謝纂修之檄頒郡邑者將一年所矣予奉檄瞿瞿更中心懌悅爰董厥事聘郡明經賈生開宗纂定之蓋舊志爲邑紳秦君時雍所作版冊散失迄今已九十年其間興者廢者苑者枯者如煙海茫茫不可復識或口耳軼之幸簡帙留之或篇章失之幸耆舊傳之但可擬存卽爲登卷觀茲寥寥其一隅之魯靈光哉舊

分六門地理營建食貨政事人物藝文夫唐虞授時首崇
曆象天文不可闕也且郵舍橋梁屬地理名宦屬人物參
錯不類遂釐正之爲八曰天文曰建置曰田賦曰典禮曰
職官曰人物曰藝文曰災異以意補其遺者而志成昔余
爲蕭博士距永僅百里聞其土豐而俗淳然蕭與永雖相
距非遙而隔在兩省今躬歷其境田多荒蕪東南之交其
壤黑墳湖水蔽天榛荆塞道且夏霖彌月來牟未登秋成
漂沒舟行田間會余西謁見婦子保抱攜持者相踵於道
問其自皆曰來自永邑余驚異之回憶在蕭所聞者天壤
夫爲邑司牧利者興之害者除之然天下利與害恒相倚

伏余以蒞事淺而性介力綿務拮据卒屠以矢此念於未
艾庶幾曰利之興也乃以蒞事淺而未能遽興也害之去
也乃以蒞事淺而未能遽去也載之於志是卽古之春陵
行也今之災傷疏也所關於斯地斯民誠匪細也甯第文
獻之足徵也哉

原序

李廕晷

邑人

永城志旣授梓人而余不佞勉爲序之余惟今日之舉其
盛有三自明隆慶間一修邑志至今及九十年此九十年
間生斯地者官斯土者未嘗無修之之意往往人與時與
事所值相違屢將操觚而復廢遂使九十年永邑之風俗